

陝西 省

臨潼縣志

中國方志叢書·華北地方·第五四二號

據

清乾隆四十年刊本
清史傳遠纂修

影印

陝西 省

臨潼縣志

(三)

成文出版社有限公司印行

臨潼縣志卷八

藝文

邑志之文多士大夫家乘及往來經由諸君子所興感而成者其於國家治亂之大今古興亡之故或無與焉非作者之乏人于其地原自不屬也臨潼當秦漢之際亦既稱多故矣至唐益治湯井卒來范陽之甲始皇之繆戾讀劉向諫沮昌陵之疏而乃明元宗之荒亡誦鄭嵎感叙華清之詩而彌著其他長歌短引或先機而憂懼或臨事而箴規或奕世而感懷取類既別厥體攸分要皆有感于治亂興亡之由而三歎不置者非一日之制作實千秋之龜鑑

也我

朝德音數被洵未敢目為文藝然

詔旨諄切實百餘年承平所基故敬錄之以為冠首至尋常時
物之吟序志之作其文多不類附載一二以脩凡志之例

云爾

德音

順治十三年

詔免八九兩年地丁本折錢糧拖欠在民者

康熙三年

順治十五年以前拖欠銀米藥材油絹布疋等項

二十六年十一月二十六日

諭戶部陝西錢糧前雖已行蠲免但念該省人民用兵之際輸餽効力可念再宜加恩以宏樂利其康熙二十七年應徵地丁各項錢糧及二十六年未完錢糧亦著俱與蠲免爾部即遵諭行欽此

三十一年十月初四日

諭戶部陝西巡撫所屬府州縣衛所康熙三十二年地丁銀米著通行免徵從前所有未完錢糧亦著通行蠲免爾部即遵諭行欽此

三十四年十二月十七日

詔免陝西康熙三十三年以前積欠及帶徵未完銀米

四十二年十月初五日

諭吏兵戶三部

朕統御寰區勤求治理鑒興時邁省方觀民春月閱視河
工自畿輔山東以及江浙地方皆經巡幸茲兩河漸已底
績所至之地民生風俗亦因以周知念陝西省為巖疆重
地當出師塞外時曾經歷其邊境而西安一路未及親蒞
頃陝西督撫諸臣言秦民望幸之心至殷且切具請此冬
令農隙之際觀覽民風詢察吏治簡閱禁旅整飭軍容實
為要務用是輕裝約從諏吉而巡沿途一切供御皆內庭

諸脩纖毫不取辦於地方即偶有市易之物亦勅所司依
時價給值不許錙銖抑勒所過大小官吏宜體恤朕愛民
德意勿借詞供億私派閭閻如有恃旨科歛者察出即以
軍法從事其扈從人員宜約束僕役勿使妄行如不遵法
紀生事擾民一併從重治罪朕視民如子凡乘輿所至市
廛隴畝宜各安生理米豆薪芻等物民間照常貿易不必
禁止惟懷私挾詐衝突告訐者所告事不與准理仍嚴加
治罪爾等即傳扈從官員人等並行各督撫令於經過府
州縣城市鄉莊徧示曉諭俾咸悉朕懷特諭

四十二年十一月十七日

諭川陝總督華顯等秦省關係最重且不通水運撫綏尤宜加
意故不憚隆冬跋履風霜遠臨茲土見百姓歡迎載道且
知今歲有秋地方文武官吏能恪勤奉職滿漢軍士亦皆
訓練有方朕心甚慰凡巡幸所至必大沛恩膏今將陝西
巡撫所屬地方康熙四十二年以前各項積欠銀米草豆
錢糧盡行蠲免四十四年正供亦行免徵爾等即遵諭行
欽此

五十年十月初三日

諭戶部陝西五十一年應徵地丁銀兩察明全免并歷年舊欠
亦俱着免徵爾部遵諭行欽此

五十六年十一月二十六日

諭免西安等處帶徵地丁屯衛銀兩

五十九年十月十七日

諭免陝西六十年應徵地丁銀兩

雍正元年三月二十一日

諭免陝省民屯衛所未完銀米豆草

六月十三日

諭戶兵部陝西各州縣衛所地丁銀兩每錢額外徵收三厘米
每斗額外徵收三合以為脩荒之用此項徒有加賦之名
而無賑濟之實着自雍正元年始將額外徵收銀米永行

停止如有舊欠亦悉予蠲除爾部即遵諭行欽此

七年六月十二日奉

上諭西安各屬地方將庚戌年額徵錢糧蠲免十分之三

九年正月初三日奉

上諭將雍正九年西安所屬額徵地丁銀蠲免十分之三

乾隆十年

上諭丙寅年將直省應徵正賦通行蠲免一次欽此

三十五年正月元旦奉

上諭朕寅承丕緒撫有萬方申旦求衣無日不以勤恤民隱為念茲用樂歲頒令誕布陽和着自三十五年為始將各省

必征錢糧通行蠲免一次欽此

敕

成帝永始元年罷作昌陵詔

曰朕執德不固謀不盡下過聽將作大匠萬年言昌陵
一年可成作治五年中陵司馬殿門內尚未加功天下虛
凡百姓罷勞客土疏惡終不可成朕惟其難怛然傷心夫
而不改是謂過矣其罷昌陵及故陵勿徒吏民今天下
無有動搖之心

年徒請作昌陵大匠詔

將作大匠萬年知昌陵卑下不可為萬歲居奏請營作

置郭邑妄為巧詐積土增高多賦歛絲役興卒暴之作
徒蒙辜死者連屬百姓罷極天下匱竭常侍閤前為大
農中丞數奏昌陵不可成侍中衛尉長數言宜早止徒
反故處朕以長言下閤章公卿議者皆合長計首建至
閤典主省大費民以康寧閤前賜爵關內侯黃金百斤
賜長爵關內侯食邑千戶閤五百戶萬年佞邪不忠毒
衆庶海內怨望至今不息雖蒙赦令不宜居京師其徒
年敦煌郡

元宗開元元年免新豐雜科詔

曰惟此新豐溫湯是出古之順豫義我無此省頃者觀風

歸茲地以察寬濬詢於故老問里歡康田疇墾闢况冬
積雪春期有年且誦王遊果符時邁雖千乘萬騎咸給
主司而累月再來頗勤于除掃宜下復蠲之令慰其望
之心新豐縣百姓免一年雜差科

十六年以稻田給貧民制

曰京畿之內雜役殷繁言念劬勞豈忘優恤頃以櫟陽
縣地多鹹鹵人力不及便至荒廢近者開決皆生稻田
既成功豈專其利京兆府界內應雜開稻田並散給貧
及逃還百姓以為永業

新豐及同州敕

虞之四朝且編區宇漢之三輔本同京師善於古者考
今茲乎通者應乎遠若順豫之事缺則紊於王制巡遊
典脩則虞于人勞朕受命膺期勵精設教幸乾坤幽贊
雨咸若百物既阜三農已登同穎薦於宗廟穰穗生於
小國我無大桀寔欣千歲取人有小康未果于時邁但左
之地近入黃圖新豐之邑南鄰青綺山川官館咫尺相
去欲過霸亭而涉戲經沙阜而臨渭見彼耆耄問其疾苦
余長吏之政恤黎甿之寃蓋所以展義陳詩觀風問俗始
以畿甸化于天下宜以今月二十五日幸長春宮傳五日
所領所須并令所司支備一事以上不得干擾州縣茲日

唯量將飛騎萬騎行更不須別遣兵馬及妄有科喚朕此
行之處不得進奉在路有稱冤苦州縣不能流決者委御
史金吾收狀為進各勉所職副朕意焉

唐宣宗大中十年答兩省諫幸華清詔

朕以驪山近宮貞聖廟貌未嘗修謁自謂闕然今屬陽和
氣清中外事簡聽政之暇或議一行蓋崇禮敬之義非以
盤遊為事雖申救命無慮勞人卿等職備禁闈志勤奉上
援經據古列狀獻章載陳懇到之辭深睹盡忠之節已允
來請所奏咸知

文

漢劉向論罷昌陵疏 註選古文淵鑒

臣聞易曰安不忘危存不忘亡是以身安而國家可保也

下系故聖賢之君博觀終始窮極事情而是非分明王者

必通三統天地人明天命所授者博非獨一姓也孔子論

詩至於殷士膚敏裸將于京大雅文喟然歎曰大哉天命

善不可不傳於子孫是以富貴無常不如是則王公其何

以戒慎民萌何以勸勉萌與眊同蓋傷微子之事周而痛

殷之亡也雖有堯舜之聖不能化并朱之子雖有禹湯之

德不能訓末孫之桀紂自古及今未有不亡之國也昔高

皇帝既滅秦將都維陽成寤劉敬之言自以德不及周而

賢于秦遂徙都關中依周之德因秦之阻世之長短以德
為効故常戰栗不敢諱亡孔子所謂富貴無常蓋謂此也

孝文皇帝居霸陵北臨廁廁側近水也意悽愴悲懷顧謂羣臣

曰嗟乎以北山石為槨用紵絮紵絮也陳施斷陳漆其間

著其間也紵張呂反斷側各反豈可動哉張釋之進曰使其中有可欲

雖錮南山猶有隙使其中無可欲雖無石槨又何感焉夫

死者無終極而國家有廢興故釋之之言為無窮計也孝

文寤焉遂薄葬不起山墳易曰古之葬者厚衣之以薪葬

之中野不封不樹後世聖人易之以棺槨棺槨之作自黃

帝始黃帝葬于橋山堯葬濟陰邱壠皆小葬具甚微舜葬